

# Служба святителю Гавриилу (Городкову), архиепископу Рязанскому (3 января, 20 апреля н.ст.)

## на Гóсподи воззва́х стихіры, глас 6.

Весь освящен Богонóсец показáся, / помáзание Бóжие свято́е, /  
Святы́м Духом обложѣн: / и свѣтло входя́ вѣну / во святáя святых, /  
Богоначáльными светлосты́ми озаря́емь, / благодáти причащáясь / святых  
тáин, / я́ко истинный святі́тель преслáвен, / со дерзновѣ́нием моля́ся / о  
душа́х нáших.

Просветі́ся житі́е твоѣ / добродѣ́тельными светлосты́ми, / вѣрныя  
просветі́л еси́, / и лѣсти тьмѣ́ разгна́л еси́, / истинное бо явѣ́лся еси́  
светозáрное со́лнце, / святі́телю преблаже́нне Гаврииле, / и ны́не,  
всели́лся еси́, / иде́же сияет свѣ́т невечѣ́рний, / и сын дне́ благодáтию  
Духа Свята́го бѣ́в. / Тѣмже твою́ Божѣ́ственную пáмять и светонóсную /  
чѣ́стно соверша́юще приснопáмятне, / любóвию почитáем.

Ум тво́й мановѣ́нием е́же к Бóгу, / Богомúдре, вѣрою удобря́емь, /  
свѣтел явѣ́лся всеслáвне, / в мѣртвенном тѣ́ле и тлѣ́нном, / премúдре  
нетлѣ́нию поучѣ́всь, / притяжа́л еси́ безплóтных свѣ́тлости, / и страстѣ́й  
внѣ́ бѣ́в, / безстра́стием украша́ясь, / Гаврииле, óтче святі́телю  
премúдре, / свѣ́тлый светі́льниче, / и моли́твенниче о чтúщих / любóвию  
пáмять твою́.

## Сла́ва, глас 8:

Дóблестей тво́их, преподо́бне óтче, пло́д просветі́л е́сть вѣрных  
сердцá: ктó бо слы́ша безмѣ́рное твоѣ́ смирѣ́ние, терпѣ́нию не удивѣ́ся,  
е́же к ни́щым тѣ́хости, к скорбѣ́ющим утешѣ́нию, вся Боголѣ́пно научі́л  
еси́ святі́телю, Гаврииле, и ны́не неувяда́емым венцѣ́м увязл́ся еси́:  
моли́ся о душа́х нáших.

И ны́не, Богорóдичен воскрѣ́сный: Цáрь Небѣ́сный:

Вхóд. Прокі́мен дне́.

## 1. Притчей чтение.

Память праведнаго с похвалами, и благословение Господне на главе  
его. Блажен человек, иже обрете премудрость, и смертен, иже уведет  
разум. Лучше бо сию куповати, нежели злата и серебра сокровища.  
Честнейшая же есть камней многоценных, все же честное недостойно  
ея есть. Долгота бо дней и лета живота в деснице ея, в шуйце же ея  
богатство и слава. От уст ея исходит правда, закон же и милость на языке  
носит. Послушайте убо мене, о чада, честная бо реку, и блажен человек,

иже пути моя сохранит. Исходи бо мои – исходи живота, и уготовляется хотение от Господа. Сего ради молю вас и предлагаю мой глас сыновом человеческим: яко аз, премудрость, устройх совет, и разум и смысл аз призвах. Мой совет и утверждение, мой разум, моя же крепость. Аз мене любящая люблю, ищущии же мене обрящут благодать. Разумейте убо, незлобивии, коварство, ненаказанныи же, прилагайте сердца. Послушайте мене и паки, честная бо реку, и отверзу от устен правая, яко истине поучится гортань мой, мерзки же предо мною устны лживыя. С правдою вси глаголы уст моих, ничтоже в них стропотно, ниже развращенно. Вся права суть разумевающим и проста обретающим разум. Научу бо вас истине, да будет о Господе надежда ваша, и исполнитесь Духа.

## **2. Премудрости Соломони чтение.**

Уста праведнаго каплют премудрость: устне же мужей мудрых ведут благодать. Уста мудрых поучатся премудрости, правда же избавляет их от смерти. Скончавшуся мужу праведну, не погибнет надежда. Сын бо праведен рождается в живот, и во благих своих плод правды обымет. Свет праведным всегда, и от Господа обрящут благодать и славу. Язык мудрых добрая свесь, и в сердце их почиет мудрость. Любит Господь преподобныя сердца, приятни же ему вси непорочнии в пути. Мудрость Господня просвещает лице разумнаго. Постигает бо желающия ю, прежде даже разумети ю, и удобь узрится от любящих ю. Утреневавый к ней, не утрудится, и бдяй ея ради, вскоре без печали будет. Яко достойных ея сама обходит ищущи, и во стезях ея является им благоприемне. Мудрости никогдаже одолеет злоба. Сих ради и рачитель бых доброты ея, и возлюбих ю, и поисках от юности моя. И взысках невесту привести себе, яко всех Владыка возлюби ю. Таибица бо есть Божия хитрости, и обретательница дел Его. Труды ея суть добродетели: целомудрию же и разуму та учит, правде и мужеству, ихже потребнее ничтоже есть в житии человеком. Аще же и многого искусства желает кто, весть древняя, и быти хотящая разсмотрит: свесь извития словес, и разрешения гаданий, знамения и чудеса проразумеет, и сбытия времен и лет; и всем советник есть благ, яко безсмертие есть в ней, и благославие во общении словес ея. Сего ради беседовах ко Господу, и помолихся Ему, и рех от всего сердца моего: Боже отцев и Господи милости, сотворивый вся словом Твоим, и мудростию Твоею устройвый человека, да владеет бывшими от Тебе тварьми, и да управляет мир в преподобии и правде. Дажь ми Твоих Престолов приседящую премудрость, и не отлучи мене от отрок Твоих, яко аз раб Твой, и сын рабыни Твоя. Посли ю с Небес от святаго жилища Твоего, и от престола славы Твоя, да сущи со мною научит мя, что благоугодно есть пред

Тобою, и наставит мя в разум, и сохранит мя в славе своей. Помышления бо смертных вся боязлива, и погрешительна умышления их.

### **3. Премудрости Соломони чтение.**

Похваляему праведнику, возвеселятся людие: безсмертие бо есть память его, яко от Господа познавается и от человек, и угодна Господу душа его. Возлюбите убо, о мужие, мудрость и поживете, восхощите ея и наказани будете: начало бо ея любви и соблюдение закона. Почтите премудрость, да во веки царствуете. Возвещу вам и не скрюю от вас таин Божиих. Яко Той мудрости наставник есть, и мудрых исправитель, и всякому смыслу и делу хитрец. И всем смыслом научит мудрость: есть бо в ней дух разумен и свят, и сияние света присносущнаго, и образ благодати Божия. Та други Божия и пророки устрояет. Благолепнейши же есть солнца и паче всякаго сотворения звезд, свету сосуждаема обретается первейши. Та угождающих ей от болезни избави и настави на стези правыя. Даде им разум имети свят и сохрани я от ловящих, и подвиг крепок подаде им. Да разумеют вси, яко сильнее всего есть благочестие; и никогдаже преможет злоба мудрости, ниже преидет злыя обличающи суд. Рекоша же в себе, помысливше неправедно: насильствуем праведному и не пощадим преподобства его, ни усраимся седин старости многолетны. Будет бо нам крепость закон, и уловим праведнаго, яко неугоден нам есть, и противится делом нашим, и поносит нам отпадение закона, и обличает нам согрешения наказания нашего. Возвещает нам разум имети Божий и отрока Господня себе именует. Бысть нам на обличение помышлением нашим и тяжек нам есть, и видим, яко неподобно иным житие его и изменены стези его. В поругание вменихомся ему, и удаляется от путей наших, яко от нечистот, и блажит последняя праведных. Увидим убо, аще словеса его истинна суть, искусим, яже сбываются ему. Руганием и мукою истяжем его, да разумеем кротость его, и искусим беззлобство его, смертью безобразною осудим его, будет бо посещение от словес его. Сия помыслиша и прельстишася: ослепи бо я злоба их, и не разумеша таин Божиих и не разсудиша, яко Ты еси Бог Един, живота имеяй и смерти власть, и спасаай во время скорби, и избавляяй от всякаго зла. Щедр и милостив, и давай преподобным Своим благодать, и Своею мышцею гордым противляяйся.

### **На стихóвне стихíры, глáс 8:**

Святíтелю Гаврииле, разúмнаго свéта зарé, церкóвное светíло, святíтельская красотó, íноческаго пóстнаго жити́я íстовое прáвило: нáм же застúпник явíлся есí, свобождáя от губíтеля врагá дúшы нáша.

**Стíх: Честнá пред Гóсподем смéрть преподóбных Егó.**

Святителю Гаврииле, великую власть от Бóга приял еси́, мно́жество лука́вых бесо́в моли́твою твоёю отгна́л еси́, и си́х озлобле́ния от все́х ве́рою к тебе́ притека́ющих.

**Сти́х: Чтó возда́м Го́сподеви о все́х, я́же воздаде́ ми́.**

Святителя вели́каго Гавриила, ка́ко досто́йно воспоём, честна́го ума́, Богоза́рнаго све́та, освеща́ющего нас, и Божество́нный ра́зум пода́ющего, та́ин глубинных испове́дателя? согла́сно вси́ рце́м: ра́дуйся о́тче о́тцев, Гаврииле.

Сла́ва, глас 8:

Ты́ еси́ па́стырь до́брый и учи́тель те́плый, святителю Гаврииле, ты́ всегда́ похваля́юще вопи́ем: тобо́ю Бо́г украси́ це́рковь свою́, и те́ло твоё́ многоле́тно покрове́нное в земли́, нетле́нно яви́ лю́дем своим. Те́мже не преста́й моля́ся о хва́лящих тя́, и чту́щих па́мять твою́, проси́ оставле́ние грехо́в, и спасе́ния душа́м на́шим.

И ны́не, Богоро́дичен: воскресе́нный: Безневе́стная Де́во:

**Тропа́рь, глас 5**

Веро́ю и правдо́ю Бо́гу служа́, сниска́л еси́ любовь па́стыи Рязанския́, Гаврииле Святителю́, до́брый па́стырю́ словесных овец. В го́дину испытаний алчу́щих пита́л еси́, икону́ Богома́тере Зна́мение, «Корчемно́ю» имену́емую, я́ко источник неоску́дный утеше́ния па́стве свое́ю указа́л еси́. И ны́не моли́ся о нас приле́жно, чту́щих святу́ю па́мь твою́.

Сла́ва, и ны́не, Богоро́дичен.

**На у́трени,**

на Бо́г Госпо́дь, тропа́рь то́йже.

**По 1-й кафи́сме, седа́лен, глас 1.**

Служите́ль бы́в Христу́ вся́ческих Влады́ще, научи́л еси́ лю́ди, и просвети́л еси́ Божество́нным креще́нием, к разуме́нию сего́ наста́вль святителю́: те́мже пропове́дника ты́ истины́ вси́ имену́ем, святителя́ и уго́дника Христо́ва.

Сла́ва, и ны́не, Богоро́дичен:

Безневе́стная чи́стая Богоро́дице Де́во, еди́на предста́тельница ве́рных и покрóв: бе́д и скорбе́й, и лю́тых обстоя́ний все́х изба́ви на Тя́

упова́ние иму́щих отрокови́це, и ду́шы на́ша спаси́ Божественными  
мольба́ми Твои́ми.

#### **По 2-й кафисме седа́лен, гла́с 4:**

От юности взём крест тво́й, благочести́вно Христу́ последовал еси́,  
увяди́в плотско́е мудрова́ние воздержани́ем: те́мже на святите́льством  
седа́лищи се́д святите́лю, возвели́чил еси́ Влады́ку, и Того́ Пречи́стую  
Ма́терь, разли́чными дарова́нии твою́ украси́вша  
ра́ку, Гаврииле, Богоблаже́нне.

Сла́ва, и ны́не, Богоро́дичен:

Де́во всенепоро́чная, пресу́щнаго Бо́га ро́ждшая, со святите́лем Того́  
непреста́нно моли́, оставле́ние прегреше́ний и исправле́ние жити́я да́ти  
на́м пре́жде конца́, ве́рою и любо́вию пою́щим Тя по до́лгу, еди́на  
всепе́тая.

По Хвали́те и́мя Госпо́дне:

Припе́в: Велича́ем тя святите́лю о́тче наш Гаврииле, и чте́м святу́ю  
па́мять твою́: ты бо мо́лиши за на́с Христа́ Бо́га на́шего.

Псалом избра́нный: Услы́шите сия́ вси́ язы́цы:

#### **По полиеле́и седа́лен, гла́с 8.**

Над страстьми́ ца́рствовав плотски́ми, святите́ль яви́лся еси́  
Богоподо́бен, и па́ству твою́ пресла́вно упасл еси́ преподо́бне:  
креще́нием же просвети́л еси́, и наказáл еси́ сла́вити еди́наго Бо́га в три́х  
ипоста́сах: те́мже источа́еши исцеле́ния и по кончи́не, ве́рою  
приходя́щим ко святе́й Бо́жией це́ркви, и к ра́це моще́й твои́х,  
святите́лю Гаврииле, моли́ Христа́ Бо́га, согреше́ний оставле́ние пода́ти  
чту́щим любо́вию святу́ю па́мять твою́.

Сла́ва, и ны́не, Богоро́дичен:

Небе́сную двeрь и ковче́г, всесвяту́ю го́ру, све́тлый о́блак воспои́м,  
неопали́мую купину́, словесный ра́й, Ёвино свобождeние, вселeнныя  
всея́ вели́кое сокрови́ще, я́ко спасeние в нём соде́лася ми́ру, и оставле́ние  
древних согреше́ний. Те́мже и вопи́ем Ей: моли́ Христа́ Бо́га,  
прегреше́ний оставле́ние дарова́ти благоче́стно покланя́ющимся  
пресвято́му рождеству́ Твоему́.

Степeнна, 1-й антифо́н 4-го гла́са.

**Прокімен: Уста́ моя возглаго́лют премудро́сть, и поуче́ние се́рдца моего́ ра́зум.**

Сти́х: Уста́ пра́веднаго поуча́тся премудро́сти:

Вся́кое дыха́ние:

Ева́нглие, святи́тельское

### **По 50-м псалме́ стихира, гла́с 6:**

Насле́днице Бо́жий, соприча́стниче Христо́в, служи́телю Госпо́день, свя́те Гаври́иле, по и́мени тво́ему́ та́ко и жити́е тво́е: проси́я бо се́дїне ра́зум, свиде́тельствова́ше све́тлость лица́ твоего́ душе́вное незло́бие, изве́ствова́ше кро́тость, сло́ва молчали́вое. Жи́знь тво́я сла́вна, и успе́ние со святы́ми: моли́ о душа́х на́ших.

### **Кано́н, гла́с 6.**

#### **Пе́снь 1.**

Ирмо́с: Я́ко по су́ху пешеше́ствовав Изра́иль, по бе́здне стопа́ми гони́теля фара́она, ви́дя потопля́ема, Бо́гу победну́ю пе́снь по́йм, вопия́ше.

С вы́шними ли́ки я́ко святи́тель, я́ко Бо́жий служи́тель предсто́я, о на́с приле́жно моли́ся, получи́ти на́м ве́чная блага́я моли́твами тво́ими.

Избра́н бы́в Господеви служи́ти честно́му Ева́нглию, блаже́нне Гаври́иле, во благо́разу́мии лю́ди, уче́нии премудры́ми о́тче, возрасти́л еси́.

Ра́зумом Бо́жиим обогáщся, сло́во живо́тное от се́рдца источи́л еси́, напо́яя ду́шы оляде́вшыя страстьми́, премудре святи́телю Бо́жий Гаври́иле, Богоблаже́нне.

Богоро́дичен: Свяще́нный ли́к проро́ческий проявля́ше изда́леча хотя́щую Тя бы́ти Бо́жию и́стинную роди́тельницу чи́стая, вы́шшую херуви́м и все́я тва́ри.

#### **Пе́снь 3.**

Ирмо́с: Не́сть свя́т, я́коже Ты́ Госпо́ди Бо́же мо́й, вознесы́й ро́г ве́рных Твои́х, бла́же, и утверди́вый на́с на ка́мени испове́дания Твоего́.

Иска́пая Божество́нную сла́дость из усте́н твои́х о́тче, и го́рькаго безбо́жия иссуши́л еси́ ка́пли, напои́в благоче́стивых пити́ем Бо́жияго ра́зума, блаже́нне.

Божіим судом произбран бѣвъ, святитель показался еси, безкровны жертвы Богу принося, пожершемуся нас ради, отче святителю Гаврииле.

Гроб, идеже лежит честное тело твое, благовоние источает яко рай Божий, облагоухая верныя, святителю преславне и всечестне, Гаврииле.

Богородичен: Разумети рождества Твоего чистая, неизреченныя глубины недоумет ум человець: Бог бо себе смирев щедрот ради, во чреве Твоем всего мя обновѣ.

#### **Седален, глас 4.**

Правовѣрно, преподобне, церковь Христоу упасл еси, и еретическия отгнал еси горькия плевелы, в вышних водворяешися блаженне.

Слава, и ныне, Богородичен:

Слово отчее Христа Бога нашего, от Тебе воплотившагося познахом Богородице Дѣво, едина чистая, едина благословенная: тем непрестанно тя воспевающе величаем.

#### **Пѣснь 4.**

Ирмос: Христос моя сила, Бог и Господь, честная церковь Боголѣпно поетъ взывающи, от смысла чиста, о Господе празднующи.

Ты исполнен Святаго Духа, священный отче Гаврииле, лукавыя дѹхи от человек отгнал еси, верны же духовными учении твоими сотворил еси.

Единицу несозданную благословил еси, трѣми лицами разделяему, непресекому и несмѣсну, просвѣщая благочестивыя священными Богословіи твоими.

Умертвив первее плотская мудрования воздержанием и труды, святитель Божествен показался еси, и предстатель Троице всесвящен.

Богородичен: Клятва разорися прабабняя тобою, Богомати: ты бо нам Пречистая, Источника породила еси, святѣни присносущнаго живота.

#### **Пѣснь 5.**

Ирмос: Божиим свѣтом твоим, блаже, утренующих ти дѹшы любвию озари, молюся, ты ведети, слове Божий, истиннаго Бога, от мрака греховнаго взывающа.

Божия Божественне совершая, и чистейшим помыслом чистым прикасаяся, непорочен явился еси, служа Богу, яко Божий святитель священнейший.

Идольстии угодницы быша угодницы Богу, твоими учении честными, ихже от недостойных изымая, достоин явился еси угожник Богу вседержителю.

Благодатию призван быв, разрушил еси безбожия идольская, одождением словес твоих преподобне, оляденевшая сердца плодотворна соделал еси Божиею благодатию.

Богородичен: По рождестве Твоем страннем пребыла еси Девой, якоже прежде: Бог бо бже рождется, и претворяяй вся волю, безмужная Марие Богоневестная.

### **Песнь 6.**

Ирмос: Житейское море воздвизаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

Язык твой духом изощрен разумно, яко трость скорописца, написа в сердца благочестивых слово благодатное, всесвященне отче, Божиим мановением.

Божественным поучаяся, яко входя в мысленная святая святых, верных совершаеши духом, Троицескою зарю священный отче всесовершеннейший, Гаврииле.

Струями велений твоих заградив мутная нечестивых веления, яко река показался еси мирная, благочестия напоая составления верных, святителю всечестне.

Богородичен: Слово во чреве Твоем вселися без семени, и Человек явися совершен, обновляя естество Боголепно, якоже Сам вестъ един, Богоприятная Отроковице всенепорочная.

### **Кондак глас 3-й**

**Христа измлада возлюбивый еси, Тому любвию последовал еси, мудростию душу свою питая, сана Святительскаго удостоен был еси, паству Рязанскую, от Бога ти данную, усердно окормлял еси, Гаврииле Святителю, не престай моляся о чадах твоих, да вси честную память твою радостно почитаем.**



Їкос: Лёностию окаянный аз отпадѡх, и в смѣрть уснух: но яко пастырь добр воздвигни мя ѡтче, и страсти моя успи, злѣ мучащыя мя: яко да востав чисте воспою твоѣ светонѡсное торжество, еже Владыка вселенныя прослави достойно, яко раба вѣрнейша, и яко учителя премудра, яко друга и тайнника, и яко строителя своихъ преданій, яже добре сохранил еси, помазание нескверное, Гаврииле, премудре, присно моли непрестанно о всехъ нас.

### Пѣснь 7.

Ирмос: Росодательну убо пещь содела ангел преподобнымъ отрокомъ, халдеи же опаляющее веление Божіе, мучителя увещая вопити: благословен еси Боже отецъ нашихъ.

Просвещаемъ духовною благодатию, яже к Божественному мановенію причащеніи, светодательная был еси звезда, просвещая мудре поющыя: благословен Богъ отецъ нашихъ.

Святѣйшая цѣрковь быв, озаряема добродѣтельными деяніи, живущу имѣл еси в тебѣ священне Троицу несозданную, вопия: благословен Богъ отецъ нашихъ.

Дремание от очию отринув, Божественными бодростыми, Божія сиянія приѣл еси от ангела свѣта, столп и подпоръ вѣрнымъ, святителя истинна совершающа тя.

Богородичен: Седяи въ недрахъ родителя неописан, въ недрахъ Твоихъ, Пречистая, ныне сидитъ описан, Твоимъ обложенъ зракомъ, за спасеніе Адамле описан быв.

### Пѣснь 8.

Ирмос: Из пламене преподобнымъ росу источил еси, и праведнаго жертву водою попалил еси: вся бо творѣши Христѣ, токмо еже хотѣти. Тя превозносимъ во вся вѣки.

Гордаго змѣя смиреніемъ твоимъ смирил еси блаженне, возвышаемъ к Богу чистыми твоими разумы: темже ты чтимъ, Христа превозносяще во вѣки.

Воплощенно Слово богословил еси, и люди от работныхъ лѣсти спасл еси, отгоняя идольская нечестія, ѡтче святителю Гаврииле, премудре, и Богонѡсе.

Жити́е твоё Влады́це твоёму́ имёя подобно, и сло́во жити́ю имёя подобящееся, испо́лнен б́ыв днѣй духо́вных ѡ́тче, в вѣ́шняя прешѣл еси́ покѡища.

Богоро́дичен: Изба́вльшеся пѣ́рвыя кля́твы Твои́м рождество́м, преблагослове́нная О́трокови́це Богора́дованная, гласъ Гаври́илов возсыла́ем Ти́: ра́дуйся вина́ всѣ́х спасе́ния.

### **Пѣснь 9.**

Ирмо́с: Бо́га челове́ком не возмо́жно ви́дети, на Него́же не смѣютъ чини́и а́нгельстии взира́ти: Тобо́ю же, Всечи́стая, яви́ся челове́ком Сло́во воплоще́нно, Его́же велича́юще, с небѣ́сными во́и Тя́ ублажа́ем.

В зѣ́млю крѡ́тких ты́ всели́лся еси́ святи́телю, крѡ́ток и незло́бив б́ыв, с вѣ́шними совокупля́ся во́инствы: вѣ́сь укра́шен добродѣ́тельными свѣ́тлостьми, и свѣ́том добродѣ́телей преодѣ́ян.

Зри́ши Бо́жия и а́нгельския свѣ́тлости, патриа́рх и му́ченик, и апо́стольския красоты́, моля́ с ни́ми Человеколю́бца, оставле́ние грехѡ́в и жити́я исправле́ние дарова́ти на́м преподо́бне, хва́лящим тя́.

Я́ве Престо́л пѣ́рвее украси́л еси́ свѣ́тло, всѣ́х председа́щих градо́в, в не́мже пожи́в я́ко а́нгел, и святи́тельством се́й украси́в, пома́зав освяти́л еси́, соверши́в лю́ди Богому́дры.

Богоро́дичен: Я́коже ка́пля небѣ́сная, во Твое́ чре́во Де́во, до́ждь снѣ́де, и изсуши́ пото́ки лѣ́стныя: одожди́ нетле́ние всѣ́м челове́ком, и избавле́ние Тобо́ю Богора́дованная дарова́ся.

### **Свети́лен**

Сла́вно краси́тся днѣсь светоза́рное торже́ство, во свѣ́те сла́вы лица́ Бо́жия предсто́я святи́телю Гаври́иле, помяни́ на́с хва́лящих твою́ па́мять.

Богоро́дичен: С Бо́гом на Тя́ Пречи́стая, упова́ние возлага́ем, и́же из Тебе́ прошѣ́дшему сраспина́еми Христу́: Твои́ми же к нему́ мольба́ми невреди́мы да́же до конца́ на́с сохрани́.

### **На хвали́тех стихи́ры, гласъ 8.**

Преподо́бне ѡ́тче Гаври́иле, / ты́ возше́д на лѣ́стницу Божѣ́ственного ра́зума, / и к Бо́гу прибли́жаяся, / всынѣ́ния да́р при́йм, / исцеля́еши недуги́ неисцѣ́льныя, / и отгѡ́ниши дѹ́хи нечи́стыя: / те́м твою́ па́мять

празднуем, / радостию сердца, Христа величающе, / возвеличившаго  
Своего угодника. *[Дважды.]*

Отче чудный, Гаврииле, / световидением ума / чисто облистаемь, /  
страстей успил еси / многоволненное море, / и безстрастием летая, /  
чистыми крылы, достигл еси, / идеже доброта неизреченна и  
недомысленна, / о нас всегда моля хвалящих тя.

Отче отцев, Гаврииле, / священства правило, / целомудрия образ, /  
монашествующих крепость, / церкви утверждение, / любви светильник,  
Престол чувства, / источник чудес, / и язык огнедохновенный: уста  
сладкоглаголива, / сосуд Божественного Духа, и разумный был еси рай  
Богоблаженне.

Слава, глас 6:

Преподобне и преблаженне, святейший отче, пастырю добрый, и  
началопастыря Христа учениче, положи выи душу за овцы, ты и ныне,  
всехвальне, Гаврииле, святителю, проси молитвами твоими, даровати  
нам велию милость.

И ныне, Богородичен:

Бога из Тебе воплотившагося разумехом Богородице Дево: Того  
моли о спасении душ наших.

## Молитва святителю Гавриилу (Городкову)

О, пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Гаврииле, предстоя у Престола всех Царя и наслаждаяся света единосущныя Троицы и херувимски со Ангелы возглашая песнь трисвятую, великое же и неизследованное дерзновение имея ко всемирлостивому Владыце, моли спастися паствы Христовы людем, благостояние святых церквей утверди: архиереи благолепием святительства украси, монашествующия к подвигом добраго течения укрепи, град наш и вся грады и страны добре сохрани, и веру святую непорочну соблюсти умоли, мир весь предстательством твоим умири, от глада и пагубы избави ны, и от нападения иноплемennых сохрани, старыя утеша, юныя настави, безумныя умудри, вдовицы помилуй, сироты заступи, младенцы возрасти, пленных возврати, немощствующия и молящияся тебе от всех напастей и бед ходатайством твоим свободи: моли о нас Всещедраго и Человеколюбиваго Христа Бога нашего, да и в день Страшнаго Пришествия Его от шуияго стояния избавит нас, и радости святых причастники сотворит со всеми святыми во веки веков. Аминь.